

HLAHISA MAIKUTLO A HAO

MEMO YA SETJHABA HO BA LE SEABO SEBOKENG SA PALAMENTE SA DIKGOKA TSE AMANANG LE MAQULWANA A BOTLOKOTSEBE

Komiti ya Tshebetso ho tsa Sepolesa e mema metse e amehileng, baahi, mahlatsipa a bosenyi, mekgatlo ya setjhaba, ditheo tsa bodumedi, mekgatlo ya batjha, bafuputsi, mekgatlo ya baahi, dikgwebo le bohle ba amehang ba nang le thahasello ho ba le seabo Sebokeng sa Palamente sa Dikgoka tse Amanang le Maqulwana a Botlokotsebe, e leng karolo ya Dipatlisiso tsa Palamente mabapi le Dikgoka tse Amanang le Maqulwana a Botlokotsebe.

Seboka sena se tla fana ka sethala sa bohlokwa bakeng sa batho ba amehileng le metse ho buisana ka kotloloho le Palamente ka mofuta, disosa, kgahlamelo le ditlamorao tsa dikgoka tse amanang le maqulwana a botlokotsebe le diketso tsa bosenyi bo hlophisitsweng. Komiti e kgothaletsa ka ho kgetheha batho ka bonngwe le metse e nang le boiphihlelo ba sebele ba dikgoka tsa maqulwana a botlokotsebe ho ba le seabo le ho abelana boiphihlelo ba bona, dingongoreho le ditshisinyo tse reretsweng ho ntlafatsa polokeho ya setjhaba le ho matlafatsa karabelo ya Mmuso ho dikgoka tse amanang le maqulwana a botlokotsebe.

Komiti e mema ditshwaelo le dipuisano mabapi le ditaba tse kenyelletsang, empa di sa felle ho:

- a) Disosa le dintho tse bakang dikgoka tse amanang le maqulwana a botlokotsebe le diketso tsa bosenyi bo hlophisitsweng;
- b) Kgahlamelo ya dikgoka tse amanang le maqulwana a botlokotsebe metseng, malapeng, dikolong, dikgwebong, ditshebeletsong tsa tlhokomelo ya bophelo bo botle le ho momahano ya setjhaba;
- c) Diphephetso tse amanang le sepolesa, bobodu, bohlwela ba bosenyi, dipatlisiso, botjhotjhisi le dikarabelo tse batsi tsa toka ya bosenyi;
- d) Matsapa a polokeho ya setjhaba, mananeo a thibelo ya dikgoka le dilekane dipakeng tsa setjhaba le Mmuso;
- e) Kgahlamelo ya maqulwana a botlokotsebe ho bana, batjha, basadi le ho ditho tse ding tsa setjhaba tse kotsing; le
- f) Diphetoho tsa molao, maano, ditheo kapa tsa tshebetso tse hlokahalang ho matlafatsa thibelo ya bosenyi, polokeho ya setjhaba le karabelo ya Mmuso ho dikgoka tse amanang le maqulwana a botlokotsebe.

Dintlha tsa Seboka

Letsatsi: 19 Phato 2026

Nako: 09:30 – 17:00

Sebaka: Setsi sa Palamente, Motse Kapa

Batho ka bonngwe le mekgatlo e nang le thahasello ba kgothaletswa ho bontsha boikemisetso ba bona ba ho ba teng, mme moo ho kgonehang, ho fana ka tlhahisoleseding efe kapa efe e amehang, ditlhahiso tse ngotsweng, kapa ditaba tseo ba lakatsang ho di hlahisa pele kapa nakong ya Seboka. Leha ho le jwalo, ho ingodisa pele kapa ditlhahiso tse ngotsweng ha se tlhokahalo ya ho ba le seabo.

Bakgathatema ba tla ba teng Sebokeng ba tla hlokeha ho ingodisa ha ba fihla Setsing sa Palamente.

Ditsamaiso tsa Seboka di tla bulelwa setjhaba le boraditaba, ho latela melao ya palamente, boholo ba sebaka, tshekatsheko ya polokeho le ditlhoko tsa tshebetso.

Ditsamaiso tsa Seboka, hammoho le ditlhahiso dife kapa dife tse fumanweng ka molomo kapa tse ngotsweng, di ka rekotwa le ho ngolwa bakeng sa merero ya tekolo ya palamente, ho tlaleha, le ho tataisa dipatlisiso, diphihlello le dikgothaletso tsa Komiti.

Ditlhahiso di tlameha ho fumanwa pele ho 16:00 ka Labohlano la **7 Phato 2026 (letsatsi la ho qetela)**. O kotjwa ho bontsha thahasello ya hao ya ho etsa tlhahiso ya molomo ho Komiti.

Dipotso di ka lebiswa ho Mof B Mbengo ho 0837098489. Ditlhahiso di tlameha ho imeilelwa ho gangviolenceinquiry@parliament.gov.za kapa etela websaete ya Palamente ho www.parliament.gov.za.

E hlahisitswe ke Mong I Cameron, MP

Modulasetulo: Komiti ya Tshebetso ho tsa Sepolesa